

## Universitätsbibliothek Paderborn

**Scintillæ Ignatianæ, Sive Sancti Ignatii De Loyola,  
Societatis Jesu Fundatoris Apophthegmata Sacra**

**Hevenesi, Gábor**

**Coloniæ, 1715**

**VD18 10988289**

6. Junii. Sicut viribus corporis, & animi abusi sumus, ut contra Dei legem faceremus, ita recuperatâ per pœnitentiam gratiâ, iisdem viribus ad vitæ emendationem utamur. S. Ignat. apud Orland. p. 1. ...

[urn:nbn:de:hbz:466:1-50423](https://nbn-resolving.de/urn:nbn:de:hbz:466:1-50423)

*mancipia sunt numerandi.* S. Ignat. apud  
Maff. l. 3 c. 7.

**H**Onesta, & generosa indoles calcari-  
bus non eget; facillimo ductu ad vir-  
tutem omnem impellitur; dura contrâ, &  
illiberalis, etiam mille verbis, aut verberi-  
bus vix compelli se sinit.

Tarditas, & mora multùm gratiæ demit  
uti beneficiis, ita & obedientiæ. Si enim  
hilarem datorem diligit Deus, morosum  
utique aspernabitur. Age, quod agendum  
est, sed age promptè.

Quæ coacta sunt, nec accepta, nec dui-  
rabilia esse possunt. Dura non expectat,  
humano nutu contentus, qui infra homi-  
nes abjectus non est.

Quantum onus imponit superiori mo-  
rosus obediens! facilius ipse opus peraget,  
quam imponat; si videt lapidem se citius,  
quam subditum ad iussa moturum.

## 6. Junii.

*Sicut viribus corporis, & animi abusi su-  
mus, ut contra Dei legem faceremus, ita  
recuperatâ per pœnitentiam gratiâ, iis-  
dem viribus ad vitæ emendationem uta-  
mur.* S. Ignat. apud Orland. p. 1. l. 5. n. 7.

Par

**P**ar pari reddere, lex est justitiae; qui minùs, quam debeat, dedit, legem non implevit. Heu me! in quanto debitores sumus, & quam segnes in exolvendo.

Unitis peccati malitiæ vita, immo aeternitas non sufficit expianda, & ubi injuria compensatio? ubi pro remissa culpa gratitudo? ubi pro poena satisfactio? Non intertres in judicium cum servo tuo Deus.

Dignissimum est, ut quæ fuerunt media ad iniquitatem, fiant ad sanitatem instrumenta, & membra, quæ vitiis serviverunt, virtutis exercitio addicantur.

Corpus magis reum fit, an anima, frustra disceptas, par utrumque culpa complectitur, eadem manet poena, nisi per utramque expier poenitentia.

### 7. Junii.

*Ut omnes lucrificiat sapiens hominum præscator, omnibus attemperare se debet, licet minor conatu fructus respondeat.*  
S. Ignat. in vita I. S. C. II.

**I**n magnis etiam voluisse, laudem mereatur, licet infra intentionem sit successus. Ex conatu, non ex eventu meritum nobis ex